



**MENTERI SUMBER MANUSIA  
KENYATAAN MEDIA**

**KEMASUKAN PERTAMA PEKERJA WARGA BANGLADESH**

1. Malaysia menerima kemasukan **kumpulan pertama pekerja warga Bangladesh** pada pagi ini (9 Ogos 2022). Kemasukan ini adalah susulan daripada Memorandum Persefahaman (MOU) Mengenai Penggajian Pekerja Warga Bangladesh yang telah ditandatangani oleh kedua-dua negara pada 19 Disember 2021.
2. Ketibaan para pekerja ini disambut oleh TYT Pesuruhjaya Tinggi Bangladesh di Malaysia dan kumpulan pekerja ini akan **digajikan untuk sektor pembuatan**.
3. Sehubungan dengan itu, pekerja warga Bangladesh dijangka masuk ke Malaysia secara berperingkat mulai hari ini. Selain itu, Suruhanjaya Tinggi Bangladesh pada minggu lalu juga telah mengesahkan (*attestation*) permohonan daripada 80 majikan tempatan yang melibatkan penggajian seramai 6,000 warga Bangladesh.
4. Bagi para majikan yang telah membuat bayaran levi kepada Jabatan Imigresen Malaysia dan bercadang untuk menggajikan pekerja warga Bangladesh, mereka boleh memohon pengesahan (*attestation*) penggajian dan dokumentasi seperti kontrak pekerjaan serta pesanan kerja ke Suruhanjaya Tinggi Bangladesh di Malaysia.

**DATUK SERI M. SARAVANAN  
MENTERI SUMBER MANUSIA  
PUTRAJAYA  
9 OGOS 2022**